

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0065786 25
Zenica, 04.11.2025. godine**

**OPĆINSKI SUD U ZENICI
sudija za prethodno saslušanje
ZENICA**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

Ć. S., neosuđivan,

Što je,

Dana 21.08.2025. godine oko 22,30 sati, u Z., u ulici B., u ugostiteljskom objektu „C.“, u alkoholiziranom stanju u više navrata vrijeđao goste a potom i radnicu K. S., pa kada je S. muž, K. A., koji se nalazio u objektu, zatražio do njega da prestane te da napusti objekat i kada ga je u jednom trenutku uhvatio ispod pazuha kako bi ga izveo iz objekta, Ć. S. se počeo otimati, te kada ga je A. izveo iz objekta kroz baštu, Ć. S. se vratio u baštu gdje su se nalazili A. i S. i nogom zamahnuo prema A. koji se u tom trenutku sagnuo i izbjegao udarac pri čemu je Ć. S. udario S. u predjelu lijeve strane njene glave uslijed kojeg udarca joj je otkinuo naušnicu, sve vrijeme svjestan da takvim naročito drskim ponašanjem i nasiljem prema drugom ugrožava građanski mir i da uslijed takvog nasilja neka osoba može biti i lako tjelesno povrijeđena, što je i htio, nanijevši tom prilikom K. S. laku tjelesnu povredu u vidu kontuzije lijeve strane lica, a potom nakon što su se ostali gosti vratili u unutrašnjost objekta, Ć. S. ispred objekta nastavio sa vrijeđanjem i psovkama da bi u jednom trenutku skinuo majicu, istu bacio u baštu objekta govoreći da mu niko ništa ne može a potom i više puta udario svojom glavom o ogradu bašte, nanoseći si povrede, sa kojim radnjama je prestao kada je vidio da na lice mjesta dolazi policija, te se prije dolaska policije udaljio,

Dakle, naročito drskim ponašanjem i nasiljem prema drugom ugrozio građanski mir, pri čemu je neka osoba lako tjelesno povrijeđena,

Čime je počinio krivično djelo nasilničko ponašanje iz člana 362. stav 2. u vezi sa stavom 1. KZ FBiH.